

四
部
備
要

中華書局輯刊

四部備要

第八七冊

中華書局
中國書店
影印

本書據中華書局1936年版影印

四 部 備 要

(第八七冊)

中華書局編

•

中華書局出版

(北京王府井大街36號)

中華書局影印發行

中國書店

國防科工委印刷廠印刷

•

787×1092毫米 1/16 64.25 印張

1989年3月第1版 1989年3月北京第一次印刷

印數 0001—500 冊

(66)

樊榭山房全集

四部備要

集部

上海中華書局據清光緒
振綺堂重刻本校刊

桐鄉 陸費達 總勘

杭縣 高時顯 輯校

杭縣 吳汝霖 校

丁輔之 監造

版權所有 不許翻印

四庫全書提要

樊榭山房集二十卷

國朝厲鶚撰鶚有遼史拾遺已著錄是集因所居取唐皮日休句題曰樊榭山房是以爲名生平博洽羣書尤熟于宋事嘗撰宋詩紀事一百卷南宋院畫錄八卷東城雜記二卷又與同社作南宋雜事詩七卷皆考證詳明足以傳後其詩則吐屬嫺雅有修潔自喜之致絕不染南宋江湖末派雖才力富健尙未能與朱彝尊等抗行而恬吟密咏綽有餘思視

國初西泠十子則脩然遠矣前集詩分甲乙丙丁戊己庚辛八卷附以詞分甲乙二卷爲康熙甲午至乾隆己未之作續集亦詩八卷而以北樂府一卷小令一卷附焉則己未至辛未作也

提要

國史文苑傳

厲鶚浙江錢唐人康熙五十九年舉人少貧性孤峭不苟合始學爲詩卽有佳句於書無所不窺所得皆用之於詩故時多異聞軼事內閣學士李紱典浙江試闈中得鶚卷閱其謝表曰此必詩人也亟錄之計偕至京尤以詩見賞於侍郎湯右曾試禮部報罷右曾欲止而授之館比遣迎之則已樸被出都矣十餘年閒再上公車乾隆元年浙江總督程元薦章應博學鴻詞科試日誤寫論在詩前又報罷而年老矣值部銓期近復入京行次天津舊友查爲仁留之水西莊觴詠數月不就選而歸卒年六十有一鶚揅奇嗜博館於揚州馬曰瑄小玲瓏山館數年肆意探討所見宋人集最多而又求之詩話說部山經地志爲宋詩紀事一百卷南宋院畫錄八卷又著遼史拾遺東城雜記湖船錄諸書皆博洽詳贍先世本慈谿徙居錢塘故仍以四明山樊榭名其居所著樊榭山房集二十卷幽新雋妙刻琢研鍊尤工五言取法陶謝及王孟韋柳而別有自得之趣兼長詩餘擅南宋諸家之勝

傳

杭州府志文苑傳

厲鶚字太鴻號樊榭錢塘人康熙庚子舉人少孤貧僦居杭城東園敝屋數椽讀書不輟聲雋一時乾隆丙辰應博學鴻詞科廷試被放南歸奉老親與鄉閭諸老酬倡閒客遊揚州有馬氏藏書最富延至其家遺文祕牒無所不窺故其發爲詩文削膚存液辭必己出以清和爲聲響以恬淡爲神味考據故實之作搜瑕抉隱仍寓正論于敘事中讀者咸斂手懾服數十年大江南北所至多爭設壇坫皆奉爲盟主焉尤工長短句入南宋諸家之勝

傳

樊榭先生小像 後學吳忠平題



鄧水之英託跡婁媽鶴書下
責蜷伏則堅閉門奉母擁卷
百子在家貧好追詠唐賢孟
亭詩老白石詞仙玄蘆秋爽
靈風颯然

光緒癸巳秋仲後學高學治

昔唐楊綰爲文恥於自白非知己不可得而見而
魏丁敬禮嘗求人定其文夫恥於自白者自珍其
文者也求定其文者自疑其文者也僕少好篇詠
晚頗知難三十年以來所作隨手棄斥存篋中者
僅十之二三暇日編次古今體詩爲八卷長短句
二卷譬之山謠村笛雖無當於鍾呂之響而向來
所閱閑居羈旅怡愉憂悴歷歷在目每一開視聊
以省憶生平竊亦自珍自疑願與審音者共定之
外有雜文若干卷叢綴若干卷將次第排續焉得
毋蹈詒癡符之誚邪乾隆四年三月朔錢唐厲鶚
自序

序

樊榭山房集卷第一

錢唐 厲 鶚 太鴻

詩甲

金壽門見示所藏唐景龍觀鐘銘拓本

午甲

嗜古金夫子貪若籠百貨墨本爛古色不受寒具
浣便續金石錄明誠不是過鐘銘最後得斑駁豈
敢唾照眼三百字字字蟠螭大撫迹思景雲往事
去無那初翦桑條韋柘袍受朝賀范鐘崇王清構
炭飛廉佐九乳器未亡雄詞壓寒餓裝比李仙丹
徵句迭倡和虛無奚足稱懋績於此墮吾思景鐘
銘天筆濫傳播

游無門洞

陰竇絕曦景石雨垂癡龍白雲嬾不收繚繞東岳
松定僧涌壁像海衆驚靈蹤藤花拂又落暝聞烟
際鐘

擬古二首

峨峨崑崙山鬱鬱環剛樹仙人散綠髮正陽無風
雨彈我白雪琴高丘哀無女苟得一心人聊以結
衷素

美人生南國纖手工織紵或爲繞梁歌當窗揚清
音色麗奪華燭情繚閑錦衾戒旦上蘭皋亭午眺
青林采葛知心苦激漂能自沈不爲懷春意誰識
空閨心

花塢二首

法華山西山翠深松篁蒙密自成陰團瓢更在雲

深處惟有樵風引磬音

白練鳥從深竹飛春泉淨綠上人衣分明孟尉投
金瀨吟到日斜猶未歸

牧童詞擬張司業

主人授我烏犍牛爲言主人百不憂朝逐水草暮
歸宿不使飛蜚傷牛目牽牛且向南陂嬉不知牛
腹飽與飢一朝牛病逃鞭笞主人自能問牛醫

觀汪青渠所藏嵩山諸碑版拓本六首

漢啓母廟石闕銘

開母化爲石其事本荒誕何年六六峯石闕字漫
漶

東魏嵩陽寺碑

運歸賀六渾悲吟後漢書可憐嵩陽寺鼎員劫灰
餘

秦王賜少林寺主教

逆豎德充符一千思驅羊當時殲除力何以資空
王

天后夏日游石淙詩

金輪昔垂衣道暑平樂澗仙巖類削成幾人侍游
讌

唐裴灌少林寺碑

傳聞三花樹香雨徧諸天何日持苕帚心空初祖
禪

唐尉遲汾嵩山靈勝詩

名嶽鎮中畿靈異紛不一欲從劉根游吾其采芝
尤

秋夜宿葛嶺涵青精舍二首

笑看圓月上前峯塔影微瀾臥玉龍林際窺人太
無夢好風吹送隔湖鐘
書燈佛火影清涼夜上層樓看海光蕉飈暗廊蟲
弔月無人知是半閒堂

晚秋寄楊楊山

半籬梯葉擁堦除又見皋蘭卽漸疎水減舊痕魚
上後霜傳新信雁來初雲山不用遮方麴燈火惟
應照佛書寫寄寂寥君定會宅南難覓柳郎居

讀水經注寄金壽門

霜橘耀西林木葉滯寒雨流觀桑欽書靜檢道元
注峯瀨奔几案恬目非一趣玉笥若境接香爐定
神遇或時談幽怪細儒訶繆誤不知天地大安識
陰陽鑄持問蒼水使秘簡儻可覩弱齡耽覽涉苦
乏濟勝具不如從韓終服食生毛羽君有禽尙心
告我懷所寓

西溪道中

連野看峯秀晴雲忽有無寒田吹穉經清渚亂鷗
鳬意謂前林近誰知細路迂人家炊過午空翠集
山廚

由牛滑嶺至龍門坑

山腰多農家茅茨映山色暝烟歸樵人溪光帶禪
客樹遺鶴毳鮮泉瀉龍漿白愛此欲移居惆悵振
輕策

宿龍門山巢雲上人房

山在錢唐之西
俗名小和山

山樓出樹杪夜宿萬山中虎嘯不驚定鐘聲疑在

空背窗樓鳥影滅燭聽松風明日尋塔水應添十
二筒

冬日雜詩二首

霜酣樹葉一村明茅屋高低烟火生多事牆頭鳥
白鳥夜闌相答紡車聲
水邊僧屋剎竿雙飢鳥窺人上石幢解向西風吟
落葉黃金合鑄賈長江

蠟梅

勻掠宮黃疊朵鮮斜門疎竹映便娟年年分餉銅
街處正是城南小雪天

月夜自草堂步至永壽寺望東臯餘雪

微月在門前冷然發清興衣袂入風舉屐齒共冰
競遂尋桑竹閒蒼涼得古徑鱗鱗見殘雪遙山瑩
而淨陰地銷還凝老屋凍稍勁卻顧所來路始知
原野寬寒鐘遠更響到寺棲禽定霜闌星芒大天
清樹影正決皆無纖翳觀心極明暎悠然林臯意
卽事寄謠詠

人日游南湖慧雲寺七首

以下乙未

南湖春水綠溫暾老柳生稊竹有孫頭白僧閑能
引路斜陽挂處指三門

鐘魚寥落入新年玉照堂空賸水田今日不成煎

餅會粉圍香陣憶詩仙

張功甫賞心樂事有人日
煎餅會粉圍香陣詩仙

詞也

禪房鴨脚脫層陰定破關門芋火深至竟繁華歸

夢幻最無人處叫春禽

蓮莖莢葉臥敲斜水外經寮記團茶劫火南朝四

百寺一袈裟地屬張家

捨宅裴休事亦勤披緇王旦謗須分淳熙年往碑

陰在細讀龍華發願文功碑史浩撰樓鐘書碑陰

工首二句

朱崖南去鳥呼風草木平泉笑衛公何似試香城

北墅殘僧禮拜冷烟中

登高何處可忘歸古寺梅風動客衣漸有放生園

社約魚苗如蟻水初肥

過丁茜園齋觀陳洪綬合樂圖

春陰泥殺人如醉不得醒東風勒花房未破小桃

杏竭來過蕭齋款語樂閑靜先生澹蕩姿愛客具

佳茗那用嘲水厄頗足勝醕酌自起展標池射目

驚秀穎一女鞞兩翼輕紅掩斜領摻手摩長笛將

吹絳脣冷一女臉如蓮黛色自脩整纖襖飄回風

輕容曳烟影半扶琵琶肩指撥試俄頃復有兩女

奴鴉鬟遮瘦頸腰身十三四背面若相請或是梁

綠珠生自雙角井弟子得宋禪吹笛入清迴或是

楊阿環合樂最機警鳳紋邏妙槽只有阿蠻省先

生木石腸伐性久已悞翻然持此幅儻足娛老境

列屋閉蛾眉便娟笑齊癭無須五斛螺簾衣兼可

屏

沙河

澄明日影射魚罩淡冶風光上鴨陂齊浸籬根三

尺水小桃正是試花時

寄倪子珍讀書仁王寺

聞君高臥洛生咏遙望吳山病目措居士舊傳十

笏地幽人新學八關齋野雲帶雨飛入戶林鳥聞

北郭

鐘時下塔更憶清吟獨繞寺撚髭不覺落松欂

北郭夕陽外人家住水西藤花當戶落荷葉並橋

堪攜

早秋夜坐懷蔣丈靜山

夜軒殺明燈秋蟲啼四壁人靜月復清雲疎雨猶

滴懷君竹閒徑況此風中笛幽意其如何堦草自

寂歷

絡緯

絡緯亦應候身潛葉底敲刁騷風激響斷續雨兼

悲破屋燈青色柴門夜黑時哀聲感寒女能得幾

絢絲

送梅耦長先生罷泰順令還宛陵

歸去宣州七月初蕭然行李意何如官身已謝潘

懷縣真散應同陶隱居稍待西風看雪稻更聞春

網薦琴魚修船謠似春陵作此日雲山不負渠生先

在東縣時作修船謠也

題畫松鼠

閑拏五粒戲睨目烟霄外不須數倉中久已誤上

蔡

汪青渠送研光牋

蕭然注毗曇長物亦何有夜吟踞壁臥朝吟但袖

手故人造雲藍輒遺五十枚螢然女兒膚心目爲

之開一笑磨烏丸欲試復惆悵剡藤遺天闕此語

定非妄既無連縣書亦無播括詞時展白萍文報
君長相思

月夜懷金繪自游湖南三首

徘徊去燭房延佇啓虛牖白露淒未零衆星惟見
斗清輝在衣裳憶昔同攜手無由折瓊枝紆軫一
搔首

搔首那可期遠在沅湘麋青楓泊船處竹外湘娥
悲聞歌兩東門秋髮飄如絲隱隱女嬃砧千里長
相思

相思共明月復此清商節迢迢蒼梧雲芳草殊未
歇羈人常念歸誰能忘離別驚蜩過樹飛斜漢亦
已沒

九月三日池上

片段殘雲都卷盡水邊秋思渺無涯西風吹過徐
熙鴨丁倒蓮房搖箭戟

湖上擬游龍井不果寄汪大輿

平生湖山鄰幽夢阻龍井辨才跡跌處結思令人
癡畢景來北山清樾鳴禽冷下見澄波生鱗甲蹙
百頃窈窕前林烟相戛兩峯影樵徑橫翠微莫辨
風篁嶺遙知清泠淵梵放相與永何時同君游佳
處得細領

西溪月夜懷大滌山二首

天柱峯頭見晴雪瑤壇玉洞暗相連石林夙具看
山癖也負知宮三十年葉石林提舉祠霄宮嘗曰
愛山者乎

雲根際夕抱冬心溪曲沿緣不可尋遙想郭文棲

隱處夜泉孤月萬松深

金繪自自湖南游桂林歸賦贈

西南山水敵清都天與詩人縱目殊郡有顏公稱
二始溪經元子署三吾鉤藤酒美能攜否桂布衣
輕得浣無笑我平生寡游歷相逢子細問姬隅

讀五代史二首

五季方龍戰濁亂失昏曉士有苟祿者傾身以營
飽退哉鄭先生冥心棲靈顙松脂去三尸獨立塵
塏表

吾愛張監軍心爲巨唐有不知關雞兒自取竟相
負刑餘誠何傷報韓同不朽區區六臣輩晝日但
顏厚

江上訪金壽門出觀顏魯公麻姑山仙壇

記米海岳顏魯公祠堂碑拓本

雲沙繞村南小築如鹿柴去聲掃地焚香人相見一
瀟灑論書近攜拾勿事徵倒薤側聞麻姑壇名蹟
興先邁餘髮時垂腰丹砂亦狡獪有無海揚塵故
地今神界堂堂小顏公頗喜究奇怪波瀾縮道麗
接待記仙話陶八碧霞丹入嚙若沆瀣汝州死大
節竟等蛇蟬解顛人述其事穹碑字如蠶緬彼天
寶季豔煽金鏡壞二十四郡中義士抱耿介獨抗
阿摩山聲振哥舒敗晚令使賊庭讒口足類齟卽
云歸羅浮乘風固可快靈均爲水仙理有說非註
持此語故人相顧發長喟落落青瑤鐫當見百靈
拜坐深地爐灰浩歌共決皆

同南畹二兄游河渚飲沈晴川書齋

到來知不易遠近引漁謳野水中開閣交蘆外倚
舟峯陰含古色梅凍得清愁漫比平原酌高人冒
見留

寶蓮山是韓平原故宅

霧閣雲窗付渺茫平原事往徑全荒居人不識太
師竹風葉幾枝搖夕陽

題沈其章秋林積雨圖

黯黯秋郊陰淋瀝愁霖晦作此雨點皴濃如五斛
黛堆阜互起伏徑術迷向背目窮中林深卻滴梧
葉大數閒尖頭屋溼雲垂霽霽潤疑生青苔漏欲
添白蓋勿謂炊烟遲此中有人在

觀吳耕民所藏唐泰山摩崖碑拓本同繪

占作

羨君少年癖好古曾臨日觀登天門穹崖彩翠忽
明滅雞號下見扶桑暎開元天子勒銘在苔滑不
憚兩手捫爲尋墨本完好寡過客求索民胥冤梯
空緣壑歷至險實惜鉅費哀驚魂野火燒裂風雨
碎連紙珍似收璫璠兼金購此得舊拓坐客竦視
息衆喧八分飛動六百字鸞鳳泊神明存當年
東封有本末燕公爲相開其原誰與異議獨乾曜
廟堂那念供頓煩惟侈海宇已殷富思以大典誇
黎元金泥石碣事非古萬乘帳殿勞雲屯天章震
耀復嚴謚御墨揮灑如飛翥未聞虞舜昔封禪大
書深刻留巖根況兼本命禮西嶽金天位號何雄
尊述聖頌得呂補闕豐碑離立蛟龍蹲岱宗事威
過太華遺制遠與乾封論須臾時世易天寶兩京

頤洞風塵昏青驪蜀道播遷日百神不效前驅奔
乃知用事睹符瑞史公載筆皆微言北里之禾鄒
上黍秦漢故轍徒紛繁卽如此碑亦炯鑒延秋門
外哀王孫濡紙脫文一感槩排翮思作摩霄鷗

感秋

炎景忽已往素節來有期西池日夕涼風雨飄無
時高樹易爲響離蟬如自悲誰能慰縣思非無酒
盈卮

秋日同王菊存汪青渠楊開緒渡湖至壑
菴由幽居洞上看摩崖家人卦登慧日精
舍訪亦諳上人際晚下山尋明昌化伯墓
不得汎舟而還得詩四首

延緣戲鏡面一湖殊陰晴西南三五峯雲氣縷縷
生孤權卽前浦翹驚涼不驚朱叢林表燦綠樹崇
岡纓遙聞微鐘響旁見孤塔明南屏忽覩面蒼翠
紛相迎水天寂於夜到岸菰蒲聲
注目望山坳靜侶若孤往隱見草閒泉時有脩蛇
想清風散木魚佛屋藏篠簜度橋潭鏡皎入洞岳
楹敞窳篠中復穿微徑折屣上快觀涑水碑義取
風火象摩崖擅八分遺跡成俯仰秋氣松際來吹
作居巢響

絕頂露扶闌懸崖度禪榻爲訪贊公來不憚芒屨
踏入室憺忘言風樹自相答四角鈴鐸鳴衆緣何
獵颯俯見北峯雲奄與南峯合兩腳渡湖至驚起
兩棲鴿一氣中迷濛天鏡互開闔稍霽烟曩靚日
射黃妃塔了然清淨界幻象無不納同游五六人

看雪期深臘

取徑下仄磴秋草自作花山風襲人衣叫噪白項
鴉飽聞外戚墓厚葬崇驕奢當時議禮者恩先丁
傳家吁嗟百年後變化如蟲沙大儒推控願金棗
出隧斜欲往弔興亡竟路迷三叉暝色起前林喚
渡牒子舉晚湖波皺鱗衆岫與陰霞歸時想清景
漏鼓忘頻擷

池上

高柳初髡倚晚汀幾時來此補魚經昨宵知有稀
疎雨滴破一方青白萍

佛屋閑題

梵夾意蕭然安居不離禪人依淨綠水地輒妬羅
絲已菊將梅候初霜欲雪天何妨臂鷹手自送佛
前錢白香山水月觀音讚云淨綠水上蓮白
光中地觸柔輒似結羅絲見法苑珠林

九里松至西山道中同金壽門周少穆王

雪子作

不負幽尋出郭門木絲裘暖趁朝曦山遮壤塔可
十里樹裏孤烟自一村高冢多風松落子空田無
雪稻生孫須知歲晏人游少正要諸公細討論

過宋通問副使朱公少章墓

突兀殘碑立古阡行人猶記紹興年青衣已見君
王辱白髮何期使節旋老淚冰天他日恨還聞曲
洧至今傳一抔築並花宮地夕暝晨鐘更惘然

冷泉亭

衆壑孤亭合泉聲出翠微靜聞兼遠梵獨立悟清
暉木落殘僧定山寒歸鳥稀遲遲松外月爲我照

田衣

靈隱寺月夜

夜寒香界白澗曲寺門通月在衆峯頂泉流亂葉
中一燈羣動息孤磬四天空歸路畏逢虎況聞巖
下風

曉登韜光絕頂

入山已三日登頓遂真賞霜磴滑難踐陽崖曦乍
晃穿漏深竹光冷翠引孤往冥摻滅衆聞百泉同
一響蔽谷境盡幽躋顛矚始爽小閣俯江湖目極
但莽蒼坐深香出院青靄落池上永懷白侍郎願
言脫塵鞅

蓮居

宛似游墟落疎籬曲繞門僧房倚樹腹梵板響城
根犬吠驚風葉鴉歸識水村流傳李先輩瘦硬小
碑存中有李長蘅
書碑絕佳

西溪汎舟遇雪丁酉下

孤權不覺遠窈然流水深春烟沈大嶺密雪響疎
林白社何年約青養舊隱心推蓬起寒色雙屐阻
幽尋

題陳子健所藏宋人畫太真按舞圖

柳芽將吐菜甲新西堂小雨愁青春有來此畫傳
院體調鉛寫黛知何人三郎深宮常晏起獨愛霓
裳譜風水太真能舞作舞詩羅襖動香香不已念
奴按拍寂不喧罷敕雜樂呼梨園至今看畫尙有
恨轆塵未歇烟塵昏良工好手誠難遇周昉張萱
具生趣勸君裝潢藏弄牢他時好待添丁付

西溪歸訪王既成

牆東君公清且賢留客纔我西溪船霍山廟前看
殘雪溜水橋下添新泉梅開香破缸面酒日出暖
射牀頭氈春濃更當挈伴過菜花繡徧村村田

三月十三日游法華山

連山背湖西地脉聚而凝婆留霸氣餘峯嶺尙雄
勝嘉我同游人穿榛得荒徑陽坡鼉幫披陰崖龍
腹亘天風鼓蓬勃白雲若沸甌置身萬松顛心曠
肅觀聽紆回下前阪翠樾出僧磬入籬泉偶枯方
井鑿亦澄繡田盡雜花烟中笑羣媵茶戶競物利
衣短不掩脛采摘眩晨露山謠頗相應酌酒墟墓
閒作達榼隨罄芻狗本幻誕石馬久光瑩神絃走
村氓縹緲事愚伎洞簫裏林木篝火繞巖磴因之
日夕還嵐彩眩難定此境天所遺庶以忘蹭蹬望
中青帝曳猶似攜餘興

北郭紀游四首

散花灘

當年張外史此地有行窩喬木居人少蒼烟廢圃
多道心遺外物身事託樵歌最好灘前水春來似
熨羅

江漲橋

長虹偃郭外勝日記偷游簾卷橋南樹花飛水上
樓客行津鼓動天遠峭帆收俯仰悲人代茫茫對
碧流

妙行寺

棟宇何年締規模壓一城烟霄寒鐵鳳風雨吼華

鯨臨水春船集巡廊午日明喻彌陀畫佛不見斷
碑橫余嘗見元郭天錫客杭日記云出北關門妙
碑橫行寺中有碑石數本云曾彌陀神筆所畫佛
朝聖者今則俱無之矣

西馬塋

行徧馬塋曲春風無處無酒堪澆白石墓已沒黃
墟接樹看鄰媼傳芭走里巫移栽入朱戶舊事續
潛夫宋姜堯章葬西馬塋蘇石挽之云幸是小紅
仁親友也見陸友仁親北雜志

晚步

斜景忽已暝流鶯時一鳴水光知月出花落見風
行僻地非遺世新畦欲耦耕孤吟少儔侶發興自
江城

園居和蔣丈靜山

市塵拋後稱閑居好結南隣分有餘迂徑相過惟
礙竹小畦旋往欲刪蔬不離板閣池光動自下蘆
簾暑氣疏寄語輪蹄馳逐客清名持較定何如

秋分日呈陳楞山兼寄亦諳上人

拉瑟西風故故催江鴻社燕共喪回那知極浦水
花老又接繞籬岳桂開隔歲相思同濁酒幾旬塵
土挽純灰瘦權更在高寒頂清露翻經坐石臺

題水居消暑圖

峭壁插天下無地萬荷喧雨境儵然適來披畫當
秋爽尙想風亭散髮眠

友人貽頻婆果賦謝十韻

是物幽燕貴雕盤獨薦時芳華存梵夾蔽蒂補風
詩朱竹垞太史曰下楚楫名空得唐梯摘易爲乍

隨籠壓騎還想雨低枝澹白腮輕奈勻紅頰肖梨
靈根吳客少俊味細娘知齒冰臨邛渴香迷下蔡
疑枕函聞逆鼻采蘭雜志頻婆果夜瑤席饌支頤
墜地誰工寫宜和畫地傾筐可見遺玉窗
春夢裏好好寄相思

雨夜述懷十三韻

癡雲催暝早坐覺瀉幽淙院靜無來雁天陰絕吠
彪薄寒初淅淅孤燭自幢幢觸近愁難斷短音崢嶸
意未降畏途同歷阪殘歲類奔瀧入世憎高髻澆
胸漫滿缸前塵青豆舍舊夢碧油窗曲踊何煩百
吹旆信少雙浮沈仍蠹簡浩蕩想漁鱖虛冒樓遲
好須安里俗吮朋歡違尺素詩敵東空杠倦枕敲
還醒清鐘遠更撞幾時深卜築繞戶種雞腔

無盡意齋寒夜用覺範送元老住清脩韻

竹雪欠清聲餅筵有餘韻西齋擁爐坐燈火耿幽
暎微緒獨繭繚長謠適真性朱門貂襜褕夜游付
一哂生年號迂疎屬歸真自號窘步遠捷徑寒林
聽脫葉蘼落固不愠何妨戒香熏詩格與僧近聊
以文字禪解此塵土恨折轡黃梅花是名意無盡

歲暮答王既咸

北郭幽棲一水涯松毛蓋屋蘚侵堦詩來慰我不
稱意歲晏憐君獨寡諧臘鼓無端喧委巷春燈取
次翦閑街疎梅半樹展書卷臘欲此中尋好懷

春寒戊戌下

初月已既魚上冰峭寒陡作相憑陵濃陰駭羣天
地凝欲見白日何時升紅舒翠坼力未勝有如志

士坎壈仍空齋枯坐粥飯僧噤痒誰送半臂綾夜
聽街鼓睡不能紙窗升降風中燈侵晨更覺被有
稜所遭偶爾吾何憎只思布韞游馬塍花氣一片
丹霞蒸

春日逢施謂伊話舊

十年墜雨惜相違朋輩如君儂指稀雞肋只今殊
少味虎頭何用盡能飛秋湖憶共青油舫晚寺曾
尋白竹扉回首昔游都在眼杏花風外一霑衣

二月二十七日臯亭山下看桃花二首

登船出郭即通津不負佳游及此辰駘蕩年光挑
菜渚支離身事看花人戲鵝語鴨漁莊靜烟暖天
清水寺春當境底須頻恹酒銑溪如許已成塵
臯亭山下集游船半載尊疊半管絃並岸斜看花
影倒落英亂點水文圓東風不信將三月往事無
多又四年只有吳娘知可惜折枝繡滿禿襟前

首夏雨中卽事

不斷迎梅雨散絲水村誰與共心期晝眠有味低
回久殘客無情報謁遲乍暖乍寒開苦棟澹紅澹
白到戎葵平生閑卻籠鷹手自試脩麈寫小詩

病目戲成

微疾何來解相惱焚香掃地一閑身且輸名士誇
巖電欲共高僧究眼塵細字難拋工作祟好花飽
看已過春早羅爲障非吾事養就疎慵學避人

月夜舟出北關同壽門作

出門輕百里猶喜共君行雅愛聞吳語誰能計水
程野橋迎月直斷岸見烟生涼蛤爾何意喧眠到